

NUBU REI

III A HÈITA, II A SENA

Ena sala deth castèth.

Pair Ubù, Mair Ubù, oficièrs e sollats, Hauda Pauhic Arraiadis, Nòbles encadeats, Dinerèrs, Anotaires, Judges.

œ

P. U. – Portatz eth caishon deths Nòbles e eth piòc deths Nòbles e eth ganiveth deths Nòbles e eth liberàs deths Nòbles. E après, hètz avançar eths Nòbles.

(eths Nòbles son empentats)

M. U. – Plèti, Pair Ubù, amatiga-t shinhou.

P. U. – Qu'è era aunor de manar-vos que, entà hèrvénguer òp eth arrejaume, m'en vau aucir toti's Nòbles e préngue'm eth lor ben.

N. – Quina auror ! Ajuda, pòble e sollats !

P. U. – Amiatz eth prumèr Nòble e balhatz-m eth arrigadèr deths Nòbles. Eths que seràn condemnadi a mòrt, que les entutarè peth apastadèr, que s'esplategaràn ene còva deth Arrapa-Pòrc e deth Magadèr, aon seràn descerberats.

(Ath Nòble)

Qui ès, tu, garroflar ?

N. – Conde de Vitèpsc.

P. U. – Que son eths tons arrevenguts ?

N. – Tres milions de ritsalas.

P. U. – Vencuth !

(Que-u pren dab eth piòc e que-u bota en trauc)

M. U. – Quin can arraujós !

P. U. – Dusau Nòble, qui ès ?

(Eth Nòble non arrespon cap bric)

Vas arrespóner, garroflar ?

N. – Duc-gran de Posenh.

P. U. – Aquerò qu'e bèth ! Non demandi cap arren mèr. En apastadèr. Tresau Nòble, qui ès ? Qu'as maishant aire.

N. – Duc de Corlana, deras vielas de Rigà, Revèu e Mitau.

P. U. – Plan bièn, Plan bièn ! Se non arren mèr ?

N. – Bric.

P. U. – En apastadèr, a la vets. Qüatau Nòble, qui ès ?

N. – Princi de Podolia.

P. U. – Qüan ganhas ?

N. – Que so espechit.

P. U. – Tadaquera maishanta paraula, vai-t en peth apastadèr. Cinquau Nòble, qui ès ?

N. – Margrau de Tòrn, palatin de Polòc.

P. U. – N’è cap güaire. Se n’as cap arren mès ?

N. – Qu’en avèvi pro ta jo.

P. U. – Oè ! que vau miéllhor pòc qu’arren. Que as a trépar, Mair Ubù ?

M. U. – Qu’ès trop dolent, Pair Ubù.

P. U. – Bèn, bèn, qu’abrahami. Que-m voi hèr’m léger era MIA lista deths MENS bens. Anotaire, legetz-m era MIA lista deths MENS bens.

A. – Contada de Sandromi.

P. U. – Comença peths principats, tuma-sopas !

A. – Principat de Podolia, Ducat-gran de Posenh, ducat de Corlana, Contada de Sandromi, Contada de Vitèpsc, Palatinat de Polòc, Margravat de Tòrn.

P. U. – E don, e après ?

A. – Qu’è acavath.

P. U. – De que, e acavath ! Oèra-oèra, anem, aut, eths Nòbles ! E puish que n’è cap acavath de vénguer òp, que voi hèr mortalha de toti’s Nòbles, e atau qu’aurè totis padoents. Anem, Nòbles, passatz peth apastadèr.

(eths Nòbles son acuguroats en apastadèr)

P. U. – Viste, despeishatz mès lèu, que voi hèr leis adara.

Mès d’un. – Vam vedèr aquerò.

P. U. – Avants, m’en vau arrenjar era Justícia, e après procedaram ath Piè.

Mès d’un Judge. – Non volem cap de cambiament bric.

P. U. – Mèdra ! E d’un, eths jutges non seràn cap mès pagats.

J. – E que minjaram ? Qu’em praubi !

P. U. – Auratz eras aimendas que sentenciaratz, e eths bens deths condemnadi a mòrt.

Un J. – Lejessa !

dusau. – Desondre !

tresau. – Vergonha !

qüatau. – Aulessa !

Toti. – E don, puish qu’è atau, non volem cap jutjar.

P. U. – En apastadèr, eths jutges !

(Que-s defénen en vaganau)

M. U. – E que hès, Pair Ubù ? Qui l’arrenderà, era Justícia, ara ?

P. U. – E jo, tèn ! Vas véder coma anarà plan !

M. U. – Oc-ben ! Ja va èster bèth !

P. U. – Cara-t, bèn, escabessada. Senhes, vam ara procedar ath Piè.

D. – Non i a cap arren a cambiar.

P. U. – E jo, que voi tot cambiar. E d’un, que-m voi sauvà m era mintath dera talha.

D. – Bessè !

P. U. – Senhes, vam méfer ua talha dera dima sus era proprietath, ua auta sus eth comerce e era usina e ua tresava sus etge maridatges, e ua qüatava sus eras mòrts, de quinze liuras cada ua.

Prumèr D. – E peguejatz, Pair Ubù ?

Dusau D. – Qu’arrepepièja !

Tresau D. – E que apatarra.

P. U. – E vos fotetz de jo ? En apastadèr, eths Dinerèrs !

(eths Dinerèrs que son ahornats)

M. U. – Tot-un Pair Ubù, quin arrei ès, d'estrossar toti !

P. U. – E mèdra !

M. U. – Cap de Justìça mès ! Cap de Piè mès !

P. U. – N'ajas pòur, bèn, era mia helhuca, que-m voi anar jo medeish de vilatge en vilatge, amassar-m era talha.

**(virada gascona de J.-C. D.,
Auditor Enfiteoticari,
Comandator Causit deth
Orde dera Gran Caracòla)**